

四庫全書

集部

欽定四庫全書

全蜀藝文志卷二十三

明 周復俊 編

詩

道釋

附無名石  
刻二首

峨眉山月歌送蜀僧晏入中京 唐李白

我在巴東三峽時  
西看明月憶峨眉  
月出峨眉照滄海  
與人萬里長相隨  
黃鶴樓前月華白  
此中忽見峨眉客  
峨眉山月還送君  
風吹西到長安陌  
長安大道橫九天

峨眉山月照秦川黃金獅子承高座白玉麈尾談重玄  
我似浮雲滯吳越君逢聖主遊丹闕一振高名滿帝都  
歸時還弄峨眉月

贈僧行融

李白

梁有湯惠休常從鮑照遊峨眉史懷一獨映陳公出卓  
絕二道人結交鳳與麟行融亦俊發吾知有英骨海若  
不隱珠驪龍吐明月大海乘虛舟隨波任安流賦詩旃  
檀閣酌酒鸚鵡洲待我遶東越相携上白樓

驚子龕禪師

王維

山中驚子龕路劇羊腸惡裂地競盤屈挿天多峭崿瀑  
泉吼而噴怪石看欲落伯禹訪未知五丁愁不鑿上人  
無生緣生長居紫閣六時自搥磬一飲尚帶索種田燒  
白雲斫漆響丹壑行隨拾栗猿歸對巢松鶴時許山神  
請偶逢洞仙博救世多慈悲即心無行作周商倦積阻  
蜀物多淹泊巖腹乍旁穿澗脣時外拓橋因到樹架柵  
值垂藤縛鳥道悉已平龍宮為之涸跳波誰揭厲絕壁

免捫摸山木日陰陰結跣歸舊林一向石門裏任君春  
草深

贈蜀僧問丘師兄

杜甫

大師銅梁秀籍籍名家孫嗚呼先博士炳靈精氣奔惟  
昔武皇后臨軒御乾坤多士盡儒冠墨客藹雲屯當時  
上紫殿不獨卿相尊世傳問丘筆峻極逾崑崙鳳藏丹  
霄暮龍去白水渾青熒雪嶺東碑碣舊製存斯文散都  
邑高價越璵璠晚看作者意妙絕與誰論吾祖詩冠古

同年蒙主恩豫章夾日月歲久空深根小子思踈濶豈  
能達詞門窮愁一揮淚相遇即諸昆我住錦官城兄居  
祇樹園地近慰旅愁往來當丘樊天涯歇滯雨粳稻卧  
不翻漂然薄遊倦始與道旅敦景宴步修廊而無車馬  
喧夜闌接軟語落月如金盆漠漠世界黑驅驅爭奪繁  
唯有摩尼珠可照濁水源

送僧自吳遊蜀

盧綸

隨緣忽西去何日返東林世路無期別空門不住心人

煙一飯少山雪獨行深天外猿聲夜誰聞清梵音

送少微上人入蜀

前人

瓶鉢遠禪衣連宵宿翠微樹開巴水遠山曉蜀星稀遍  
識中朝貴多諳外學非何當一傳付道侶願知歸

送定法師歸蜀

楊巨源

鳳城初日照紅樓禁寺公卿識惠休詩引棣華霑一雨  
經分貝葉向雙流孤猿學定前山夕遠鴈傷離幾地秋  
空性碧雲無處所約公曾向剡溪遊

喜鸞公自蜀歸

李洞

禁院閑生臺尋師別綠槐寺高猿看講鐘動鳥知齋拂  
石月盈帚瀘泉花滿節歸來逢聖節吟步上堯堦

贈龐鍊師

女

前人

家住涪江漢語嬌一聲歌戛玉樓簫睡融春日柔金縷  
粧發秋霞戰翠翹兩臉酒醺紅杏妬半眉酥嫩白雲饒  
若能攜手隨仙令皎皎銀河渡鵲橋

錦城秋寄懷弘播上人

前人



極頂雲兼凍孤城露洗初共辭嵩少雪久絕貝多書遠  
照鴈行細寒條欲掛虛分泉煎月色憶就茗林居

吊草堂

前人

杖屨疑師在房闕四壁蛩貯瓶經臘水響塔隔山鐘乳  
鵲沿苔井齋猿散雪峯如何不見性倚徧寺前松

草堂寺在蜀成都文選注李善引梁簡文帝  
堂傳曰周顒昔經在蜀以蜀草堂林壑可懷  
乃于鍾山雷次宗學館立寺因名草堂亦號

山茨蓋蜀人謂草屋曰茨成都之郊地名亦有蠶茨今訛為蠶絲矣唐李太白客遊有懷故鄉以草堂名其詩集見于尤氏鄭樵書目可證也杜子美客蜀亦居草堂今人徒知杜之草堂而不知太白之草堂又止知唐之草堂名天下而不知實始于梁矣因綴志詩併及之

送僧鸞歸蜀寧親

歌詩精外學天子是知音坐夜宮鐘近寧親閣深高  
名徹西國舊跡寄東林自此棲禪者因師滿蜀吟

送陰先生歸蜀

張籍

日暮遠歸處雲間仙觀鐘唯持青玉牒獨坐碧鷄峯陰  
洞新生乳澄泉舊卧龍幾時因賣藥得向海邊逢

漫天嶺贈僧

元稹

五上兩漫天因師懺業緣漫天無盡日浮世有窮年

訪仙

平都山

呂洞賓

孟蘭清曉過平都天下名山所不如兩口單行人不識  
王陰空使馬蹄虛

一鳴白鳥出青城再謁王陰二友人口口惟思三島好  
擡眸已過洞庭春

至真觀三言詩

後唐杜仁傑

坤所載乾所幬象與形孰朕兆緯五行環二曜四  
海晏九河導峙而山亦多號神有嶽山有嶠粵仙  
壇極道妙嶢孤撐未易到日出沒見遺照偃東西

絕海徼倏光怪來熠燿大龍蟠細螢燭不恒出赴感召  
笙嘹亮鶴窈窕羽人路屯其要青螺堆玉簪峭左參井  
右丹竈揭清虛不二竅昔王人往昭告始軒轅末徽廟  
接柴望咸親燎莽劫灰起天燒摧棟宇失朱縹羣鹿豕  
雜蓬藿予向為一來弔必甚廢乃大造聖之前賢者紹  
矧玄元語秘奧探逾遠理益耀微是理萬有耗文雖徑  
實非剝度今來永為詔

前蜀楊勛好道術後主以其妖怪戮之西市臨

刑有詩具言後主失國

聖主何曾識仲都可憐社稷在須臾市西便是神仙窟  
何必乘槎汎五湖

偽蜀丁元和詩

九重城裏人中貴五等諸侯閫外尊爭似布衣雲水客  
不將名利掛乾坤

戲仙亭

張無盡

滌洄溪水瀉高灘中有神龍久屈蟠衆樂妙音時響哢

雙娃長袖忽闌珊  
世間變化無非幻  
閣上登臨正好觀  
觀幻見真真亦幻  
谷花巖草謾憑欄

聯句詠小桃源

龍旦

門前碧醺一溪斜  
彷彿逃秦處士家

石東雨

便作武陵溪

上看春來何處不開花

還丹歌

爾朱先生

欲究丹砂訣  
幽玄無處尋  
不離鉛與汞  
無出水中金  
欲制時須得水  
水遇土兮終不起  
但知火候不參差  
自

得還丹微妙理人世分明知有死剛只留心戀朱紫豈  
知光景片時間將為人生長似此何不回心師至道免  
逐年光虛自老臨樽只覺醉醺酣對鏡不知漸枯槁二  
郎二郎聽我語仙鄉咫尺無寒暑與君說盡只如斯莫  
戀驕奢不肯去感君恩義言方苦火急回頭求出路吟  
成數句贈與君九轉丹成歷今古

蘇幕遮

韓仙姑

不憂貧不戀富大悟之人開著娑羅鋪內有真如無價



寶欲識真如正照菩提路貪愛心須除去清淨法身真是堪憑據忍辱波羅為妙藥服了一圓萬病都新愈

夔州羅氏園

無名道士

知君行樂似神仙歌舞相隨四十年方外客來嗟不遇  
洞房深鎖百花天

望江南

清源真君

金主亮每舉事必決於箕僊後將南牧令童  
男女二人侍箕傍得詞云

纔舉意玄象照離宮坎女離男金水盡幾多鐵騎漫英雄最苦是雲中  
遼東鶴驚起老蒼龍四海九州沾惠

澤狼山影裏弄清風堪作主人公

亮覽之不悅問鐵騎漫英雄謂誰耶乃書

亮字亮大怒復問汝是誰又書清源真君四字蓋灌口神之名

贈張浚入蜀

宋郭英

大漫天是小漫天小漫天是大漫天一從大小漫天後  
遂使生靈入四川

秦山來盡蜀山來日照關門兩扇開刺史莫嫌迎候遠

相公新送陝西回

後英罷宣司幹官與通判不赴  
往普州賣蒸餅為生宴如也

閒閒宗師和前韻期望過當復用韻以謝

元虞集

草堂長憶蜀西郊  
屢卜歸休自折茅  
司馬檄傳驚父老  
少陵詩若入神交  
山多美竹深宜屋  
江有嘉魚遠致庖  
乞得閒身當及早  
堯時元自有由巢

仁壽寺僧報更生佛祠前生瑞竹有懷故園

前人

聞道故園生瑞竹試從來使問何如蒼筤獨出千叢裏  
翠節駢生數尺餘比管可吹丹穴鳳長竿莫釣錦溪魚  
折腰已向靈氛卜亦說能歸似兩疏

聞道故園生瑞竹令人歸興滿江干扁舟不畏瞿塘險  
匹馬誰云蜀道難杜甫溪頭花匝匝孔明廟裏柏闌珊  
新篁題作歸歟字定得臨江把釣竿

聞道故園生瑞竹山僧為我重栽培百年雨露餘生息  
一日風雲幾往迴壠上枯桑烏萃止城東華表鶴歸來

聖恩若許歸田里千石清尊為爾開

贈道人簡天碧畫士

前人

雲氣連山動松聲夾雨寒抱琴穿竹徑留棹寄江湍夕  
照歸神女春陰帶錦官此生同舊里偏解寫潺湲

寄青城道士

前人

海上別妻子山中求茯苓白虎戲玄流蒼龍護黃扁燒  
香招五老行廚庖六丁從子似非遠丹霞粲華星

張道士蜀山圖

前人

碧玉參天是蜀山，舊曾飛度歷孱顏。  
松風上接空歌外，蘿月長懸合景間。  
試劒丹崖秋隼疾，濯纓錦水夜龍閒。  
君家虛靖歸來日，冉冉蓬壺為憶還。

悟空讚三首

趙世延

水泄人間本不通，唐僖西幸蜀塵紅。  
無端橫被諸軍士，勘破如如老悟空。

沙界堂堂總法身，萬鈞一羽等纖塵。  
不爭鐵笠安頭上，惱亂衆生五百春。

精藍在昔紫雲峯梅菊開時靜應同蝴蝶翩翩桑梓曉

謁來繁上揖茲風

相傳靜應石  
象見紫蝴蝶

予兒時常聞戊午天兵之攻雲頂也先是宋  
將姚世安遷漢陽靜應石像于此山歲秋冬  
漢繁清涼主僧挈徒悟空定真避亂與靜應  
同一龕殿城既下將士闕攫財帛先伯元帥  
公獨取靜應將歸其故里塔院悟空亦復本  
寺迄今五十三年矣茲按部過繁主院智深

前詣曰二大士實先師金湯谷復其故者幸  
丐一語以耀山門小子不敏感念先伯平昔  
輕財急義率類乎此其澤被後人多矣夫何  
敢辭

祥符訪張三丰

明胡濙

交情已久念離羣獨向山中禮白雲龍送雨來留客住  
鹿銜花至與僧分疎星出竹昏時見流水鳴渠靜夜聞  
却憶故人知此隱題詩誰似鮑參軍



附無名石刻二首

度世古玄歌


後周至真觀小蠻橋下相得石碑

始青之下月與日兩半同升合為一大如彈丸甘如蜜  
出彼玉堂入金室子若得之慎勿失

蜀道觀中淘井得一碑刻文似賦似贊有隱  
士言是漢時陰真人所著鍊丹法襍著于子  
玉碑

有物有物可大可久採乎蠶食之前用乎火化之後成

湯自上而臨下夸父虛中而見受氣應朝光功參夜漏  
白英聚而雪慙黃酥凝而金醜轉制不已神趣鬼驟金  
歟天年上壽無著于文訣之在口



全蜀藝文志卷二十三

欽定四庫全書

集部

全蜀藝文志卷二十四

詳校官內閣中書臣李永

侍讀臣孫球覆勘

總校官進士臣繆琪

校對官中書臣李荃

謄錄監生臣潘坦

欽定四庫全書

全蜀藝文志卷二十四

明周復俊編

詩

哀輓

哀嚴鄭公

唐杜甫

鄭公瑚璉器華岳金天晶昔在童子日已聞老成名疑

然太賢後復見秀骨清

嚴武傳武中書侍郎挺之子神氣雋爽敏于聞見幼如成人讀

書不究精義涉獵而已大賢謂嚴子陵歟

開口取將相小心事友生

甫與武世契也

嘗醉登武林呼斥其父名而武不忤

閱書百紙盡落筆四座驚歷職匪父

任嫉邪常力爭

武弱冠以門廕策名哥舒翰奏充判官至德初肅宗初靖難大收才傑武仗節

赴行在宰相房琯素重之及是首薦才略可稱累遷給事中

漢儀尚整肅

時武為侍御史

戎

馬忽縱橫

祿山之亂也

飛傳自河隴逢人問公卿不知萬乘

出雪涕風悲鳴受詞劍閣道謁帝蕭關城

河隴劍閣蕭關城事新舊

二史皆不載

寂寞雲臺仗飄飄沙塞旌江山少使者笳鼓凝

皇情壯士血相視忠臣氣不平密論貞觀體揮發岐陽

征

時肅宗理兵鳳翔

感激動四極聯翩收二京

二京長安東都也二史皆不載

武功復

西郊牛酒再原廟丹青明匡汲俄寵辱衛霍竟哀

榮四登會府地

既叔長安以武為京兆尹兼御史中丞時年二十二後又遷京兆尹兼御史

大 三掌華陽兵

華陽成都也武以史思明阻兵不之官優游京師頗自矜大出為綿州刺史遷

劍南東川節度使上皇誥以劍南兩川合為一道拜武成都尹充劍南節度使入復求為方面拜成都尹在蜀累年肆志逞慾行猛政威振一方京兆空柳色尚書無履聲羣鳥自

朝夕白馬休橫行諸葛蜀人愛文翁儒化成公來雪山

重公去雪山輕記室得何遜韜鈴延子荆四郊失辟壘

失辟壘言無事戍也此美武能鎮靜也

虛館開逢迎堂上指圖畫軍中吹

玉笙豈無成都酒憂國只細傾時觀錦水釣問俗終相  
并意待夫戎滅人藏紅粟盈以茲報主願庶或裨世程  
炯炯一心在沉沉二豎撓顏回竟短折賈誼徒忠貞飛  
旄出江漢孤舟轉荆衡虛為馬融笛悵望龍驤塋空餘  
老賓客身上媿簪纓

嚴孝子墓作

劉灣

至性教不及因心天所資禮聞三年喪女獨終身期下  
布骨肉恩上報父母慈禮聞哭有卒女獨哀無時前有



松栢林荆棘結蒙龍墓門白日閉泣母黃泉中艸服蔽  
枯骨垢容載飛蓬舉聲哭蒼天萬木皆悲風

賈島墓

鄭谷

水遠孤墳縣路斜耕人呀我久咨嗟重來兼恐無尋處  
落日風吹鼓子花

蘇明允輓詩

宋歐陽修

布衣馳譽入京都丹旄俄驚返舊廬諸老誰能先賈誼  
君王猶未識相如三年弟子行喪禮千里鄉人會塋車

我獨空齋掛塵榻遺編將閱子雲書

予昔遊雲臺觀謁希夷先生陳搏祠堂緬想其

人今追作此詩

宋祁

仙館三峯下年華百歲中夢休孤蝶往

此言先生善睡一寢逾一月

蛻在一蟬空

有家在華山下

蕊笈微言秘霄晨浩氣通丹遺舐

後鼎林遣御餘風市霧沉荒白餐霞委暗紅岷峨有歸

約飛步與誰同

憐制置張珏

文天祥

珣蜀之健將與咎萬壽齊名咎降張獨不降行  
朝拔授制閫未知得拜命否蜀雖糜碎珣竟不  
降為左右所賣珣覺而逃被囚入北不肯屈復  
不知何如

氣敵萬人將獨在天一隅向使國不亡功業竟何如

輓四川制置使知重慶府張公珣

此宋末十  
忠之一

劉堽

坤維拓提封形勝古天府血戰五十秋零落餘八柱江

南傳箭急誰暇此回顧落日古渝城仗鉞乃甚武天東  
翫雖隨吾自強支拄渡瀘躬討逆歸來戰彌苦蕭條下  
夔門機穽伏中路咄咄快敵仇誰與掩坏土哀哉關西  
雄國亡猶不負同時督軍將腰金挿雙虎

輓蜀帥張公珏

按蜀夔州路南至施州北至漢中府東至荊州府西至重慶府

秦置巴郡劉璋為永寧郡先主為巴東郡唐渝州又南平郡宋朝光宗潛邸為府

前人

玉壘雲浮五十秋關西虢將勇無儔三吳翫隨猶堅守

八柱唇亡不耐愁瀘水捷奴勞騾裹夔門機伏失兜鍪

吾君不負吾寧死遺恨誰憐快敵讐

至元十二年乙亥夏荆湖諸郡俱歸

附蜀之音問不復與東南通制置使知重慶府張珪猶振厲自立招討梅應春以江安歸附珪遣兵收復擒應春至重慶府醫之大兵收取江安所部州郡俱降惟張起岩帥夔與珪共為宋守屹然雙城勢窮援絕屢以虎符招珪珪不從帳下將有勸其降者珪未果將遂畔夜開關納大兵珪率親兵巷戰不勝登舟欲下夔就起岩至中途隨行將士利重賞且念妻子俱已陷重慶遂執珪歸附終不肯降會應春之子朝燕訴前事復父仇珪害遂遇

挽綿漢簡州諸公

綿漢簡並屬成都府路綿州廣漢涪縣先王分梓潼郡

西魏置潼州隋改綿州唐改金川郡巴西郡復綿州宋朝因之漢州漢蜀郡分爲廣漢

西漢新都國宋齊廣漢郡後周廢之唐立漢州又漢陽軍復漢州宋因之簡州漢武分

蜀郡置犍爲郡魏置資州隋置簡州唐置簡州又改陽安郡復爲簡州宋因之

前人

綿漢風酸動殺機北來錢騎遍驅馳幾千里地弓刀運

百萬人家骨肉糜鬼哭神號無限恨蠅蝱有餘悲

平生食祿何從避畱取香名百世垂

大兵分哨入簡州知州李大全死知

懷安軍史顯孫避于簡亦死率大兵至漢州通判權州劉當可與一宗室太保率民兵城守太保出城往羅山

謁賀靖借兵歸遇大兵見殺遂破城忿而血洗焚蕩死  
十萬餘家當可與節制邵復知錄羅由教授袁拱辰知  
縣羅君父皆遇害  
知綿州范辰孫死

### 挽四川制帥陳公

隆之成都十六州六十一縣  
成都府梁州城古蜀國秦

置蜀郡漢曰益州晉改成都國宋  
齊並益州唐改成都府趙宋因之

### 前人

狼烟又起錦城邊  
帥閫謀疎亦可憐  
先軫元歸應有恨  
長弘血化豈無冤  
百身莫贖誰三酌  
一死真成蓋萬愆

遺事如今人不記  
綱常猶幸立西川

辛丑冬元帥率精  
銳以攻成都制使

陳隆之嬰城固守大兵苦攻不克欲退而都統田世顯聞大安門大兵遂入執隆之先殺其家制使叅議蒲東卯而下死者十數人執隆之至漢川俾招都統王夔而隆之止書城破被執四字示之且呼夔勉力堅守元帥大怒手刺殺之事聞贈待制立廟推恩族屬以為嗣知隆州蒲東寅被執不屈死

弔曹將軍

友聞

安知山

將軍精悍姿齒齒碎鐵石在昔童稚間但聞飽經術縱橫騁柔翰丹雘間金碧有司塞明詔弊色屈詞伯芹香春水生冠玉侍重席脫落章句陋搜抉窮理窟未及文化成其如王土窄丈夫報主願豈必仕清秩蒼然請去



位滿面秋漂冽糾合熊虎羣旌旆揚廣陌正當磨礪間  
一鼓拔勍敵屯兵沔水源千載斧截截浩蕩排煙雲西  
極安嶠岵奈何國無人腐儒秉旄鉞賞予入私門金湯  
投盜賊公時奮擊爭返遭獻玉刖三軍視馬首痛哭天  
下壁功成坐齟齬憤怒須挿戟中宵按劍起肅肅整羽  
翮吐氣風雲生寡旗陷堅列貫穿死生地蹀血天地黑  
勢雖衆寡懸形未雌雄決路窮斷首尾衆盡仍手格豈  
知龍虎逝黯淡山川色百萬尚震驚嗚呼死諸葛長城

但自壞千古痛稠結肉食無遠謀野史有直筆酒酣歌  
節士晶晶霜日白

張萬戶夫人貞節

元貢師泰

白帝樓前巷陌深將軍旌旆正沉沉玉簫聲斷孤鸞曲  
綠綺絃空別鶴吟豈是人生輕一羽要知妾死重千金  
春風塚上連枝樹只有韓憑會此心

費烈女吟

明氏  
實錄

劉堪

永康費氏女年少十八九擇對無可人真心似瓊玖禮

法以防身絲麻常在手至正十七載太歲次丁酉逆賊  
從東來旌旗搖北斗三巴數十城皆降不敢後唐姬與  
姜氏不慙為賊偶費女涕泣悲勤勤告父母人生棄禮  
義猪狗亦何有我身不如賊我死骨不朽夜深盛容飾  
自縊後園柳高義感行人痛心而感首平章買奴者左  
丞韓叔亨低頭奴屈膝拜賊乞餘生不能受白刃空負  
朝廷恩茫茫天壤間生死義與仁太山與鴻毛孩提知  
重輕費女生艸野烈烈超凡倫二公國柱石棄甲如輕

塵芳名與污跡遺戒百千春

弔鄒汝愚卒石城

陳獻章

少年為意儘崢嶸  
謫死天涯氣未平  
舊雨不留花縣榻  
秋風還閃石城旌  
兒啼母絕家何處  
水宿山居路幾程  
人事每將天不定  
文章何處博虛名

亡弟材同梅山書屋

席春

淡玄養素寄真如  
奮翼雲霄佩錦裾  
玉檢細函收諫牘  
龍驤遠策奠州閭  
佳山精舍浮青靄  
浣水茅堂照碧渠

天外暮雲悲斷雁西風洒淚獨傷予

大司馬梧山李公

徐文華

吾受李公知未識李公面嗟公久已歿緬懷何由見休  
休好善心卓卓當朝彥美玉瑩無瑕精金嘗百鍊氣概  
凌秋空歸若靈光見所在樹功勲聲光耀雷電後進賴  
推轂曾不遺寸善

哭張士元有引

安磐

士元為給舍數月即以封事忤毅皇謫官貴州新

添驛者七年皇上登極召復舊官先後歷朝纔一  
考而獨立敢言大裨國是今年秋七月以大禮事  
同余伏闕下獄既而同杖越十日又同以首事被  
逮于朝有旨放還而士元竟坐杖不起時禁方嚴  
弔客無敢至者斯文之痛極矣廼余感知已傷斯  
文之不可復得痛哭數日作詩志哀

七載夷方謫三年諫議班家聲續臺史

先世曾為御史

封事動

天顏弔客何人至秦川有櫬還不才同放逐後死淚潺

爰

同舍今何在斯人天下無感時看諫州何日真生芻狐  
鼠私相慶衣冠勢益孤空餘青史上遺簡載名儒

哭毛用成同年

有序

前人

用成予同年友也徘徊給舍者十五年年過五十  
不忘忠諫大禮之議杖而死焉旅櫬南行殆餘萬  
里感泣以之爰作是詩

毛公心事有誰知每恨年來未拂衣青瑣禁中啼鳥散

碧雞坊外主人非封章未了心猶壯大禮初成願已違  
冷雨淒風萬餘里可憐丹旆日南飛

鬼謠

高駢築羅城多發掘古塚取甌甃城有滄州守禦  
指揮使姜知古者當掘一塚夜有鬼嘯於塚上因  
獻一書辭旨哀切其書曰冥司趙畚謹以幽昧致  
書於守禦指揮端公閭下竊以趙氏之冤搏膺入  
夢良夫之枉被髮叫天是以有怨必讐無道則見



此則流於往史載在前文如吞也一介遊魂九泉  
罔象德不勝饗禱不勝人無廟貌於世間遂湮沉  
於泉壤自蒙天譴使掌冥司雖叨正直之官未達  
聰明之理未嘗以威服衆唯知以禮作人頃至本  
朝叨為上相不無濫德敢有害盈今者伏審渤海  
高公令君毀畚塹闕况畚謫居幽府天賜佳城平  
生無戰伐之讐邂逅起誅夷之釁得不撫銘旌而  
憤志託觚染以申懷伏希端公俯念無依迴垂有

鑒特於萬雄免此一坏儻全馬鬣之封敢忘龍頭  
之底謹吟五言四句詩一章後幅上聞不勝望德  
之至謹白詩曰

我昔勝君昔君今勝我今人生一世事何用苦相侵

廣政初後主與其妃張太華同輦遊青城宿九天  
丈人觀中月餘不返李廷珪諫而不聽又數日雷  
雨大作若失白晝而太華被震殞矣乃以紅錦龍  
褥裹瘞觀前白楊樹下翌日急趨迴鑒悲痛無已

後數年鍊師李若冲因晚霽閒步觀側忽見白楊  
樹下一美人翠眉雪肌仙姿窈窕吟曰

一別鑿輿今幾年白楊風起不成眠常思往日椒房寵  
淚滴衣襟損翠鈿

若冲問曰子人耶鬼耶美人歛衽而前曰妾蜀妃  
張太華也因陪駕遊此被震今幽魂尚滯乞賜超  
拔若冲於是秋中元令節黃籙齋會中為真長生  
金簡生神玉章度生人世若冲後夢太華謝曰妾

已受生人世矣壁間黃土書一絕云

符吏匆匆叩夜扃便隨金簡出幽冥  
蒙師薦拔恩非淺  
領得生神九卷經

蜀主聞之厚賜若冲是後惟花蕊夫人寵冠后宮  
矣

楊蘊中以罪入成都獄夜夢一婦人曰吾薛濤之  
流也頃幽死此室乃贈蘊中一絕句

玉漏深長燈耿耿東牆西牆時見影  
月明窗外子規啼

忍使孤魂良夜永

陳甲字升父隆州人紹興間為蜀帥李公瑒之客  
館於雙竹齋夜見數婦笑語有吟兩絕句者因忽  
不見

曉雨廉纖梅子黃晚雲卷雨月侵廊樹陰把酒不成飲  
說著無情更斷腸

舊時衣服盡雲霞不到迎仙不是家今日樓臺渾不識  
祇因古木記宣華

元戊寅間荊州分域有鬼夜叫云苦也苦幾時泥到襄陽府及早視之凡樹木大小皆泥和畜毛自根泥至分枝處則止後又叫云苦也苦幾時泥到成都府蓋古今未聞之異也

草木子

昔長寧耕者得銅牌曰小桃源其上有詩云

綽約去朝真仙源萬木春要知竊桃客定是會稽人

全蜀藝文志卷二十四

欽定四庫全書

全蜀藝文志卷二十五

明 周復俊 編

詩餘

唐人長短句宋人謂之填詞實詩之餘也今所行  
艸堂詩餘是也或問詩餘何以繫於艸堂也曰按  
梁簡文帝艸堂傳云汝南周顒昔經在蜀以蜀艸  
堂寺林壑可懷乃於鍾山雷次宗學館立寺因名  
艸堂亦號山茨謂艸為茨亦述蜀語地名別有蠶

茨是其旁証也李太白客遊于外有懷故鄉故以  
艸堂名其詩集詩餘之繫于艸堂指太白也太白  
作二詞為百代詞曲之祖則今之填詞非草堂之  
詩餘而何放此選蜀志之詞以太白二闕為首云

菩薩蠻

今本作蠻非菩薩蠻  
驃國舞女髻飾也

李白

平林漠漠烟如織寒山一帶傷心碧暝色入高樓有人  
樓上愁  
闌干空佇立宿鳥歸飛急何處是歸程長亭  
復短亭



憶秦娥

李白

簫聲咽秦娥夢斷秦樓月秦樓月年年柳色灞陵傷別  
樂遊原上清秋節咸陽古道音塵絕音塵絕西風殘  
照漢家陵闕

清平樂

韋莊

何處遊女蜀國多雲雨雲解有情花解語寧地繡羅金  
縷粧成不整金鈿含羞待月鞦韆住在綠槐陰裏門  
臨春水橋邊

河傳

前人

春晚風暖錦城花滿狂殺遊人玉鞭金勒尋勝馳驟輕  
塵惜良辰翠娥爭勸臨邛酒纖纖手拂面垂絲柳歸  
時煙裏鐘鼓正是黃昏暗消魂

其二

錦浦春女繡衣金縷霧薄雲輕花深柳暗時節正是清  
明雨初晴玉鞭魂斷烟霞路鶯鶯語一望巫山雨香  
塵隱映遙見翠檻紅樓黛眉愁

女冠子

牛嶠

錦江煙水卓女燒春濃美小檀霞繡帶芙蓉帳金釵芍  
藥花  
額黃侵膩髮臂釧透紅紗柳暗鶯啼處認郎家

燒酒名燒春其  
法始于文君

菩薩蠻

畫屏重疊巫陽翠楚神尚有行雲意朝暮幾般心向他  
情慢深  
風流今古隔虛作瞿塘客山月照山花夢回  
燈影斜

河瀆神

張泌

古樹噪寒鴉。滿庭楓葉蘆花。晝燈當午隔窻紗。畫閣珠簾影斜。門外往來祈賽客。翩翩帆落天涯。迴首隔江煙火渡頭三兩人家。

江城子

前人

浣花江上見卿卿。臉波秋水明。黛眉輕綠雲高綰。金簇小蜻蜓。好事問他來得麼。和笑道。莫多情。

巫山一段雲

偽蜀毛文錫

雨霽巫山上雲輕映碧天遠風吹散又相連十二晚峯  
前暗濕啼猿樹高籠過客船朝朝暮暮楚江邊幾度  
降神仙

玉樓春

避暑摩訶池上作

孟昶

冰肌玉骨清無汗水殿風來暗香滿簾開明月獨窺人  
歌枕釵橫雲鬢亂起來瓊戶啓無聲時見疎星渡河  
漢屈指西風幾時來只恐流年暗中換

臨江仙

牛希濟

峭碧參差十二峯  
冷烟寒樹重重瑤姬宮殿是仙蹤  
金鑪珠帳香霏畫偏濃  
一自楚王驚夢斷人間無路相逢  
至今雲雨帶愁容  
月斜江上征棹動晨鐘

其二

江繞黃陵春廟閒  
嬌鶯獨語闌闌滿  
庭重疊綠苔斑  
陰雲無事四散自歸山  
簫鼓聲稀香燼冷  
月娥歛盡彎環  
風流皆道勝人間  
須知狂客判死為紅顏

後庭怨

建隆中旭川築城掘得石刻蓋唐人語也

唐無名氏

千里故鄉十年華屋亂魂飛過屏山  
矗眼重眉褪不勝  
春菱花知我銷香玉  
雙雙燕子歸來應解笑人幽獨  
斷歌零舞遺恨清江曲萬樹綠低迷  
一庭紅撲蔌

黃鐘樂

魏承班

池塘烟暖艸萋萋惆悵閒宵含恨愁坐思堪迷遙想玉  
人情事遠音容渾似碧桃溪  
偏記同歡秋月低簾外  
論心花畔和醉暗相携何事春來君不見夢魂長在錦  
江西

臨江仙

閻選

十二高峯天外寒竹梢輕拂仙壇寶衣行雨在雲端畫  
簾深殿香霧冷風殘欲問楚王何處去翠屏猶掩金  
鸞猿啼明月照空灘孤舟行客驚夢亦艱難

巫山一段雲

李珣

有客經巫峽停橈向水湄楚王曾此夢瑤姬一夢杳無  
期塵暗珠簾卷香銷翠幄垂西風迴首不勝悲暮雨  
洒空祠



其二

古廟依青嶂行宮枕碧流水聲山色鏤粧樓往事思悠  
悠雲雨朝還暮烟花春復秋啼猿何必近孤舟行客  
自多愁

戚氏

此詞始終指意言周穆王賓于西王母之事

蘇軾

玉龜山東皇靈嫔統羣仙絳闕岩堯翠房深迴倚霏烟  
幽閒志蕭然金城千里鎖嬋娟當時穆滿巡狩翠華曾  
到海西邊風露明霽鯨波極目勢浮輿蓋方圓正迢迢

麗日玄圃清寂瓊艸芊緜 爭解繡勒香韉鸞輅駐蹕八  
馬戲芝田瑤池近畫樓隱隱翠鳥翩翩肆華筵 間作  
管鳴絃宛若帝所鈞天稚頭皓齒綠髮方瞳圓極恬淡  
高妍 盡倒瓊壺酒獻金鼎藥固大椿年縹緲飛瓊妙舞  
命雙成奏曲醉留連雲璈韻響寫寒泉浩歌暢飲斜月  
低河漢漸漸綺霞天際紅深淺動歸思迴首塵寰爛漫  
遊玉輦東還杏花風數里響鳴鞭望長安路依稀柳色

翠點春妍

此詞眉州  
舊有石刻

愁倚欄

三榮道

程正伯

山無數雨蕭蕭路迢迢不似芙蓉城下去柳如腰夢  
隨春絮飄飄知他在第幾朱橋說與杜鵑休喚怕魂銷

漁家傲

彭門道中早發

前人

野店無人霜似水青燈照影寒侵被門外行人催客起  
因箇事老來方有思家淚寄問梅花開也未愛花只  
有歸來是想見小橋歌舞地渾含喜天涯不念人憔悴

其二

前人

獨木小舟烟雨濕燕兒亂點春江碧江上青山隨意見  
人寂寂落花芳草催寒食昨夜青樓今日客吹愁不  
得東風力細拾殘紅書怨泣流水急不知那箇傳消息

臨江仙

合江放舟

前人

送我南來舟一葉誰教催動鳴榔巫山不見水茫茫雲灣  
纔幾曲折盡九回腸買酒澆愁愁不盡江烟也共淒  
涼和天瘦了也何妨只愁今夜雨更做淚千行

其二

濃綠鎖窻閒院靜  
照人明月團團  
夜長幽夢見伊難瘦  
從香臉薄愁到翠眉殘  
只道花時容易見  
如今花盡  
春闌畫樓依舊五更寒  
可憐紅綉被空記合時歡

瑞鷓鴣

瑞香

東風冷落舊梅臺  
猶喜山花拂面開  
紺色深衣春意淨  
水沉薰骨晚風來  
柔條不學丁香結  
矮樹仍叅茉莉栽  
安得方盆栽  
幽植道人隨處作香材

好事近

資州道上無  
雙堠感懷作

欽定四庫全書

全蜀藝文志  
卷二十五

別夢記春前春盡苦無歸日想見鵲聲庭院誤幾回消  
息萬重離恨萬重山無處說思憶只有路傍雙堠也  
隨人孤隻

滿江紅

浣花  
因賦

京鏜

錦里先生艸堂築浣花谿上料飽看堦前雀食籬邊漁  
網跨鶴騎鯨歸去後橋西潭北留佳賞況依然一曲抱  
村流江痕漲魚龍戲相浩蕩禽鳥樂增舒暢更綺羅  
十里棹歌來往坐上英賢今李郭邦人應作仙舟想但

喧呼落日未西時船休放

洞仙歌

重九  
藥市

前人

三年錦里見重陽藥市車馬喧闐管絃沸笑籬邊孤寂  
臺上踈狂爭得似此日西南都會癡兒官事了樂與

民同况值高秋好天氣不羞短髮不照衰顏聊滿揷黃

花一醉道物外高人有時來問混雜龍蛇箇中誰是

唐司

空圖重陽山居詩滿目秋光  
還似鏡股勤為我照衰顏

鷓鴣天

葭萌駒作即  
今之施店

陸游



看盡巴山看蜀山子規江上過春殘慣眠古驛常安枕  
熟聽陽關不慘顏慵服氣嬾燒丹不妨青鬢戲人間  
秘傳一字神仙訣說與君知只是頑

水龍吟

榮南作

前人

樽前花底尋春處堪嘆心情全減一身萍寄酒徒雲散  
佳人天遠那更今年瘴煙蠻雨夜郎江畔漫倚樓橫笛  
臨窻看鏡時揮涕驚流轉花落月月庭院悄無言魂  
消腸斷憑肩攜手當時曾效畫梁栖燕見說新來綢紫



塵暗舞衫歌扇料也羞憔悴慵行芳徑怕鶯兒見

沁園春

三榮橫溪  
閣小宴

前人

粉破梅梢綠動萱叢春意已深漸珠簾低卷筇枝微步  
水開躍鯉林暖鳴禽荔子扶疎竹枝哀怨濁酒一尊和  
淚斟憑欄久嘆山川冉冉歲月駸駸當時豈料如今  
漫一事無成霜鬢侵看故人強半沙堤黃閣魚懸帶玉  
貂映蟬金許國雖堅朝天無路萬里淒涼誰寄音東風  
裏有灞橋烟柳知我歸心

木蘭花慢

夜登青城  
山玉華樓

前人

閱邯鄲夢境嘆綠髻早霜侵奈華岳燒丹青谿眉鶴尚  
負初心年來向濁世裏悟真詮秘訣絕幽深養就金芝  
九畹種成琪樹千林星壇夜學步虛吟露冷透瑤簪  
對翠鳳披雲青鸞遡月宮闕蕭森琅函一封奏罷自鈞  
天帝所有知音却過蓬壺笑傲世間歲月駸駸

蘇武慢

唐西安湖即  
今崇慶州

前人

澹靄空濛輕陰清潤綺陌細塵初靜平橋繫馬畫閣移

舟湖水倒空如鏡掠岸飛花傍簷新燕都是學人無定  
嘆連年戎帳經春邊壘暗凋顏鬢空記憶杜曲池臺  
新豐歌管怎得故人音信羈懷易感老伴無多談麈久  
閒犀柄惟有偷然筆床茶竈自適筍輿煙艇待綠荷遮  
岸紅蕖浮水更乘幽興

蝶戀花

離小  
並作

前人

水漾萍根風捲絮倩笑嬌顰忍記逢迎處只有夢魂能  
再遇堪嗟夢不由人做夢若由人何處去短帽輕衫

夜夜眉州路不怕銀釭深綉戶只愁風斷青衣渡

臨江仙

離果  
州作

前人

鴝雨催成新綠燕泥收盡殘紅春光還與美人同論心  
空眷眷分袂却匆匆只道真情易寫那知怨句難工  
水流雲散各西東半廊花院月一帽柳橋風

漢宮春

張園賞海棠作園  
故蜀燕王宮也

前人

浪迹人間喜聞猿楚峽學劍秦川虛舟汎然不繫萬里  
江天朱顏綠鬢作紅塵無事神仙何妨在鶯花海裏行

歌間送流年 休笑放慵狂眼 看門坊深院多少婢娟  
燕宮海棠夜宴花覆金船如椽畫燭酒闌時百炬輕烟  
憑寄語京華舊侶幅巾莫換貂蟬

月上海棠

成都城南有蜀王舊苑  
多梅花百餘年古木

前人

斜陽廢苑朱門閉 吊興亡遺恨淚痕裏淡淡宮梅也依  
然點酥剪水凝愁處似憶宣華舊事 行人別有淒涼

意折幽香誰與寄 千里佇立江皋香難逢隴頭歸騎音

塵遠楚天危樓獨倚

宣華故  
蜀苑名

柳梢青

故蜀燕王宮海棠之盛  
為成都第一今屬張氏

前人

錦里繁華環宮故邸  
疊萼奇花俊客妖姬  
爭飛金勒  
齊駐香車  
何須幙障  
幃遮寶杯浸紅雲  
瑞霞銀燭光中清  
歌聲裏休恨天涯

齊天樂

左縣道中

前人

角殘鐘晚關山路行人乍依孤店  
塞月征塵鞭絲帽影  
常把流年虛占藏鴉柳暗嘆輕負鶯花  
謾勞書劍事往  
關情悄然頻動壯遊念  
孤懷誰與強遣市壚沽酒酒

薄怎當愁。顰倚瑟妍詞調。鉛妙筆那寫柔情芳艷。征途  
自厭。況煙歛蕪痕雨稀。萍點最是眠時枕寒門半掩。

其二

三榮人日  
遊龍洞作

前人

客中隨處閒消悶。來尋嘯臺龍岫路。歛春泥山開翠霧。  
行樂年年依舊。天工妙手放輕綠。萱芽淡黃楊柳笑問。  
東君為人能染鬢絲否。西州催去近也。帽簷風軟且  
看市樓沽酒宛轉。已歌淒涼塞管。携客何妨頻奏。征塵  
暗袖。漫禁得梅花伴人踈瘦。幾日東歸畫船平放溜。

桃源憶故人

有序

前人

三榮郡治之西因子城作樓觀曰高齋下臨山村  
蕭然如世外予留七十日被命參成都戎幙而去  
臨行徙倚竟日作桃源憶故人一首

斜陽寂歷柴門閉一點炊煙時起鷄犬往來林外俱有  
蕭然意  
衰翁老去踈榮利絕愛山城無事臨去畫樓  
頻倚何日重來此

風入松

前人



十年裘馬錦江濱  
酒隱紅塵萬金選  
勝鶯花海倚疎狂  
驅使青春吹笛魚  
龍盡出題詩風月  
俱新 自憐華髮  
滿紗巾猶是官身  
鳳樓常記當年語  
問浮名何似身親  
欲寄吳牋說與這  
回真箇閒人

水龍吟

前人

摩訶池上追遊路  
紅綠參差春晚韶  
光妍媚海棠如醉  
桃花欲暖挑菜初  
閑禁煙將近一城  
絲管看金鞍爭道  
香車飛蓋爭先占  
新亭館 惆悵年華  
暗換黯銷魂雨

收雲散鏡奩掩月釵梁折鳳秦箏斜鴈身在天涯亂山  
孤壘危樓飛觀嘆春來只有楊花和恨向東風滿

江月晃重山

芳華樓雪

前人

芳州洲前道路夕陽樓上闌干碧雲何處望歸鞍從軍  
客耽樂不思還洞裏仙人種玉江邊楚客滋蘭鴛鴦  
沙暖鵲鴿寒菱花晚不禁髣髴毛斑

虞美人

咏虞美人  
人艸

唐無名氏

帳中艸艸軍情變月下旌旗亂攬衣推枕愴離情遠風

吹下楚歌聲正三更  
烏騅欲上重相顧  
艷態花無主  
手中蓮萼凜秋霜  
九泉歸去是仙鄉  
恨茫茫

虞美人

和前題

宋黃載萬

世間離恨何時了  
不為英雄少  
楚歌聲起霸圖休  
玉帳佳人血淚滿東流  
荒葵野葛吳城暮  
玉貌知何處至

今芳艸解婆婆  
只有當時魂魄未消磨

賈氏談錄云褒斜谷中有虞美

人艸狀如雞冠花葉相對並州艸木記云雅州名山縣出虞美人草應拍而舞面陽雜俎云舞艸出雅州方物

圖贊虞

作娛

水調歌頭

范成大

萬里籌邊處形勝壓坤維恍然舊觀重見鴛瓦拂參旗  
夜夜東山銜月日日西山橫雪白羽弄空暉人語半霄  
碧驚倒路傍兒分弓了看劍罷倚欄時蒼茫平楚無  
際千古鏖煙霏野曠岷嶓江動天濶嶠函雲擁太白暝  
中低老矣漢都護却望玉門歸

海棠詞

前人

馬蹄塵撲春風得意笙簫逐款門不問誰家竹祇揀紅

粒多處燒銀燭 碧鷄坊裏花如屋  
燕王宮畔花成谷 不須悔唱關山曲  
直為海棠也合來西蜀

水調歌頭

題劍閣

崔與之

萬里雲間戍立馬 劍門關 亂山極目無際直  
北是長安 人苦百年塗炭鬼哭三邊鋒鏑  
天道久應還手 寫留屯 奏炯炯寸心丹  
對青燈搔白髮 漏聲殘老猶勛業未  
就妨却一身閒 梅嶺綠陰青子蒲澗清泉  
白石怕我舊盟寒 烽火平安報歸夢到家山

賀新郎

代妓送太守

盧申

春色原無主。荷東君、著意看承，等閒分付。多少無情風，與浪那更蝶欺蜂妬。算燕雀、眼前無數。從使簾櫳能愛護，到如今已是成遲暮。芳艸碧，遮歸路。看看做到難言處。怕仙槎、輕轉旌旗，易歌襦袴。月滿西樓絃索靜，雲蔽崑崙閭府。使恁地、一帆輕舉。獨倚闌干愁拍碎，慘玉容、淚眼如紅雨。去與住，兩難訴。

浣沙溪

瑞香

張孝祥

醵後春前別一般梅花枯淡水仙寒翠雲裘著紫霞冠  
仙品只今推第一清香元不是人間為君更試小龍

團

浣沙溪

錢鄭憲

前人

寶蠟燒春夜影紅梅花枝傍錦薰籠曲瓊低捲瑞香風  
萬里江山供燕几一時賓主看談鋒問君歸計莫匆  
匆

賀新郎

文及翁

欽定四庫全書

全蜀藝文志  
卷二十五

十七

一勺西湖水。渡江來，百年歌舞，百年酣醉。回首洛陽花  
世界，煙渺黍離之地。更不復、新亭墮淚。簇樂紅粧，搖畫  
舫，問中流擊楫，何人是？千古恨，幾時洗？  
清志更有誰？磻溪未遇，傅巖未起，國事如今誰仗倚？衣  
帶一江而已。便都道、江神堪恃。借問孤山林處士，但掉  
頭笑指梅花蕊。天下事，可知矣。

鳳栖梧

題劍門驛

廬氏

蜀道青天煙靄，帝里繁華，迢遞何時至。回望錦川添



粉淚鳳釵斜。顰烏雲膩。  
鈿帶香盤金縷細。玉珮丁當。  
露滴寒如水。從此鸞牀添遠意。  
畫眉學得遙山翠。

謁金門

李好義

花過雨又是一番紅。素燕子歸來衝繡幕。  
舊巢無覓處。誰在玉樓歌舞。  
誰在玉關辛苦。若使胡塵吹得去。  
東風侯萬戶。

巫山十二峯詞

元趙孟頫

疊嶂千重碧。長江一帶清。瑤壇霞冷月朧明。  
歌枕若為

情雲過船窗曉星移宿霧晴古今離恨撥難平惆悵峽

猿聲

右淨壇峯

片月生危岫殘霞拂翠桐登龍峯下楚王宮千古感遺蹤  
柳色眉邊綠花明臉上紅欲尋靈跡阻江風離思杳

無窮

右登龍峯

松鶴堆嵐靄陽臺枕水湄風清月冷好花時悵悵阻佳  
期別夢遊蝴蝶離歌怨竹枝悠悠往事不勝悲春恨入

雙眉

右松鶴峯

雲裏高唐觀江邊楚客舟上早峯月照妝樓離思兩悠  
悠雲雨千重阻長江一帶秋歌聲頻唱引離愁光景恨

如流

右上升峯

絕頂朝雲散寒江暮雨頻楚王宮殿已成塵過客轉傷  
神月是巫娥伴花為宋玉隣一聽歌調一含嚔哀怨竹

枝春

右朝雲峯

雨過蘋汀遠雲深水國遙渡頭齊舉木蘭橈纖細楚宮  
腰暎水勻紅臉偎花整翠翹行人倚棹正無聊一望一

魂銷

右集  
仙峯

碧水鴛鴦浴平沙荳蔻紅望霞峯翠一重重帆卸落花  
風澹薄雲籠月霏微雨洒篷孤舟晚泊浪聲中無處問

音容

右望  
霞峯

芍藥虛投贈丁香漫結愁鳳栖鸞去兩悠悠新恨怯逢  
秋山色驚心碧江聲入夢流何時弦管簇歸舟蘭棹泊

沙頭

右樓  
鳳樓

碧水澄青黛危峰聳翠屏竹枝歌怨月三更別是斷腸

聲煙外黃牛峽雲邊白帝城扁舟清夜泊蘋汀倚棹不

勝情

右翠屏峯

鶴信三山遠羅裙片水深高唐春夢香難尋惆悵至如

今十二峯前月三千里外心紅牋錦字信沈沈腸斷舊

香衾

右翠鶴峯

曉色飄紅豆平沙枕碧流泉聲雲影弄新秋觸處是離

愁臉淚橫波淡眉攢片月收佳人無力笑難休半整玉

搔頭

右望泉峯

裊娜江邊柳飄颻嶺上雲卸帆迴棹楚江濱歸信夜來聞  
欲拂珊瑚枕先熏翡翠裙江頭含笑去迎君鸞鳳盡

成羣

石起雲峯

巫山十二峯在楚蜀之交余嘗過之舟行迅疾不  
及登覽近巫山尹王道於峯端摹得趙松雪詞十  
二首傳之其詞集中不載以樂府巫山一段雲按  
之可歌也右傳記稱帝之季女名曰瑤姬精魂作  
艸實為靈芝宋玉本此以託諷後世詞人轉加緣

飾茲為黠矣重葩累藻不越此意余愛袁崧之語  
謂秀峰疊嶂奇構異形林木蕭森離離蔚蔚乃在  
霞氣之表仰瞻俯睇不覺忘返自所履歷未始有  
也山水有靈亦當警知己於古矣尋此語意使人  
神遊八極而脫然自濯於曄光溫瑩之外暇日因  
錄松雪詞并附表語於後以洗名山之誣而識余  
未登之慙云

蘇武慢

至正八年  
夏和虞道

張伯雨

清露晨流新桐初引消受北窗涼曉經卷薰爐筆床茶  
具長物恁他圍繞老子無情年光有限只似木人花鳥  
擬凝雲數朶奇峯曾見漢唐池沼還自笑待老學鱣  
魚金題玉躡書裏也容身了阿對泉頭布衣無恙占斷  
兩苔風篠獨鶴歸來西山缺處掠過亂鴉林表舞琴心  
疊胎仙坐到高山小

全蜀藝文志卷二十五



# 欽定四庫全書

集部

全蜀藝文志卷二十六

詳校官內閣中書臣李采

侍讀臣孫球覆勘

總校官進士臣繆琪

校對官中書臣李荃

謄錄監生臣潘坦

謄錄監生臣馮士新

欽定四庫全書

全蜀藝文志卷二十六

明 周復俊 編

詔策 敕文 勅

漢先主封張飛策

章武元年遷飛車騎將軍領司隸校尉封西鄉侯策

曰

朕承天序嗣奉洪業除殘靖亂未燭厥理今寇虜作害  
民被荼毒思漢之士延頸鶴望朕用怛然坐不安席食

不甘味整軍誥誓將行天罰以君忠毅侔蹤召虎名宣  
遐邇故特顯命高墉進爵兼司于京其誕將天威柔服  
以德伐叛以刑稱朕意焉詩不云乎匪疚匪棘王國來  
極肇敏戎功用錫爾祉可不勉歟

封馬超策

章武元年遷驃騎將軍領梁州牧進封釐鄉侯策曰  
朕以不德獲繼至尊奉承宗廟曹操父子世載其罪朕  
用慘怛疾如疾首海內怨憤歸正反本暨于氏羌率服

獫狁慕義以君信著北土威武並昭是以委任授君抗  
颶號虎魚董萬里求民之瘼具明宣朝化懷保遠邇肅  
慎賞罰以篤漢祚以對於天下

許靖策

建安十九年先主克蜀以靖為左將軍長史先主為  
漢中王靖為太傅及即尊號策靖曰

朕獲奉洪業君臨萬國夙宵惶惶懼不能緩百姓不親  
五品不遜汝作司徒其敬敷五教五教在寬君其勗哉

秉德無怠稱朕意焉

後主告諭伐魏詔

建興五年春丞相亮出屯漢中營河北陽平石馬後  
主下詔曰

朕聞天地之道福仁而禍淫善積者昌惡積者喪古今  
常數也是以湯武修德而王桀紂極暴而亡曩者漢祚  
中微網漏凶慝董卓造難震蕩京畿曹操階禍竊執天  
衡殘剝海內懷無君之心子丕孤豎敢尋亂階盜據神

器更姓改物世濟其凶當此之時皇極幽昧天下無主  
則我帝命隕越于下昭烈皇帝體明睿之德光演文武  
應乾坤之運出身平難經營四方人鬼同謀百姓與能  
兆民欣戴奉順符讖建位易號丕承天序補弊興衰存  
復祖業誕膺皇綱不墜于地萬國未靖早世遐殂朕以  
幼冲繼統鴻基未習保傳之訓而嬰祖宗之重六合壅  
否社稷不建永惟所以念在匡救光載前緒未有攸濟  
朕甚懼焉是以夙興夜寐不敢自逸每崇菲薄以益國

用勸分稼穡以阜民財授才任能以參其聽斷思降意以養將士欲奮劍長驅指討凶逆朱旗未舉而不復隕喪斯所謂不然我薪而自焚也殘類餘醜又支天禍恣睢河洛阻兵未弭諸葛丞相弘毅忠壯忘身憂國先帝託以天下以勗朕躬今授之以旌鉞之重付之以專命之權統領步騎二十萬衆董督元戎龔行天罰除患寧亂克復舊都在此行也昔項籍總一彊衆跨州兼土所務者大然卒敗垓下死於東城宗族如焚為笑千載時

不以義陵上虐下故也今賊效尤天人所怨奉時宜速  
庶憑炎精祖宗威靈相助之福所向未克吳王孫權同  
恤災患潛軍合謀犄角其後涼州諸國王各遣月支康  
居胡侯支富康植等二十餘人詣受節度大軍北出便  
欲率將兵馬奮戈先驅天命既集人事又至師貞勢并  
必無敵矣夫王者之兵有征無戰尊而且義莫敢抗也  
故鳴條之役軍不血刃牧野之師商人倒戈今旌麾首  
路其所經至亦不欲窮兵極武有能棄邪從正簞食壺



欽定四庫全書

全蜀藝文志  
卷二十六

漿以迎王師者國有常典封寵大小各有品限及魏之宗族支葉中外有能規利害審逆順之數來詣降者皆原除之昔輔果絕親於智氏而蒙全宗之福微子去殷項伯歸漢皆受茅土之慶此前世之明驗也若其迷沈不反將助亂人不式王命戮及妻孥罔有攸赦廣宣恩威貸其元帥弔其殘民他如詔書律令丞相其露布天下使稱朕意焉

後主復諸葛丞相策

建興六年亮使馬謖督諸軍與魏張郃戰于街亭謖  
違亮節度舉動失宜大為郃所破亮戮謖以謝衆上  
疏曰臣以弱才叨竊非據親秉旄鉞以厲三軍不能  
訓章明法臨事而懼至有街亭違命之闕箕谷不戒  
之失咎皆在臣授任無方臣明不知人恤事多闇春  
秋責帥臣職是當請自貶三等以督厥咎于是以亮  
為右將軍行丞相事所總統如前冬亮復出散關圍陳  
倉破魏軍斬王雙七年遣陳式攻克武都陰平魏郭

淮率衆欲擊式亮自出至建威淮退還遂平二郡詔  
策亮曰

街亭之役咎由馬謖而君引愆深自貶抑重違君意聽  
順所守前年耀師馘斬王雙今歲爰征郭淮遁走降集  
氐羌興復二郡威震凶暴功勩顯然方今天下騷擾元  
惡未梟君受大任幹國之重而久自挹損非所以光揚  
洪烈矣今復右丞相君其勿辭

唐僖宗賜高駢築羅城詔

勅高駢省所奏修築羅城畢功并進畫圖事具悉卿天  
平急召并絡專征臨邛夢叶於四刀按部恩覃於兩劍  
上言大鎮空有子城殊百雉之環迴是千年之曠闕便  
依陳奏未隔寒暄每日一十萬夫分築四十三里皆施  
廣廈又砌長磚城角曲收逸迭攻而勢勝甕門直截容  
拒守之兵多利及後人智高前古繼孔明於掌內坐張  
儀於腹中是以輕笑木牛感通金馬增上頭之埤堦架  
當面之闌干橋象七星不移舊岸錦逢三月可濯新壕

役徒九百六十萬工計錢一百五十萬貫卓哉懋績固  
我雄藩罄府庫之資儲捨陰陽之拘忌但為國計總忘  
身謀並無黎庶之怨嗟不請朝廷之接借忽聞進奏言  
已畢功見圖寫之甚明舉神化而急速方念處身廉潔  
報國忠貞始終能協于一心清美久聞于萬口欲人檢  
驗具見公忠朕已知臣何勞請使便欲寵渥恐卿自往  
雅州既發師徒方勞館驛且留賞典專俟迴軍蜀川既  
及於春風蠻寇盡離於河岸便酬勲績各進官階未間

勉効七擒佇聞三捷故茲詔示想宜知悉冬寒卿比平安好遣書指不多及

王衍試制科策文

乾德四年

炎漢致治始策賢良巨唐思皇爰求茂異講邦國治亂之體陳天人精祲之原豈角虛文蓋先碩德朕念守器之重識為君之難思得賢才以凝庶績因舉故事以紹前修子大夫抱道逢時投策應詔必有長策以副虛懷何以使三農樂生五兵不試刑獄無枉賦歛無加以何

策可以定中原以何道可以卜長世朕當親覽汝無面從

白衣蒲禹卿對策其略曰今朝廷所行者皆一朝一夕之事公卿所陳者非乃子乃孫之謀暫偷目前之安不為身後之慮衣朱紫者皆盜跖之輩在郡縣者皆狼虎之人姦佞滿朝貪淫如市以斯求治是謂倒行執政皆切齒欲誅之衍以其言有益擢為右補闕

孟昶勸農桑詔

明德元年十二月

刺守縣令其務出入阡陌勞耒三農望杏敦耕瞻蒲勸  
穡春鷓始轉便具籠筐蟋蟀載吟即鳴機杼

宋太祖納降蜀主敕

敕蜀主省上表率文武見任官望闕瀝懇歸命事具悉  
朕自皇天睠命率土樂推將期德服萬方不恃威加四  
海乃睠益部僻處一隅苟黎庶之獲安非經營之在意  
一昨災纏蜀地釁自并門既興王者之師遂授將軍之  
鉞事非獲已須至用兵我且直詞彼衆自敗下劍門而



欽定四庫全書

全宋文卷二十六

賈勇指井絡而長驅中宵喟然兆庶待罪徑馳驛嚴誠  
前鋒廣宣來者之懷遍諭弔民之意果能率官屬而効  
順拜表疏以祈恩託我慈親述乃寢廟封府庫而待命  
保生靈而輸誠朕方示信懷柔不逼人險保無他慮當  
體優隆國有舊章已從前請所宜悉也春寒想比清休  
書旨不多及

賜程琳收獲劫盜逃兵獎諭詔

敕程琳省益州路轉運司奏云卿居風憲之司撻翰

垣之政因逋逃之為患縱盜掠而累年密遣追胥盡擒  
隱伏既詰誅於醜類致肅靜於鄉閭翳乃忠勤副予寄  
任攸司上奏宣力可嘉故茲獎諭想宜知悉

賜王驥父老借留獎諭詔

敕王驥省益州路轉運司奏

云

眷茲右蜀素號名藩

委任非輕事權尤劇卿門望兼著中外荐更爰自近班  
出分重寄奉揚寬大之詔茂宣愷悌之風洽威惠於吏  
民載歌謠于道路興情胥悅列奏爰來減予宵旰之憂

稱乃循良之選其在嘉嘆不忘于懷故茲獎諭想宜知悉夏熟卿比平安好遣書指不多及

國家眷井鬼之分梁益之區拒上國千里之遙為西蜀一都之會控制蠻獠撫遏邊陲利害所生安危是繫非道積廊廟名高搢紳萬里隱乎金城五兵森乎武庫長謀足以經遠厚德可以鎮浮文有緯俗之方武有安民之略者不得預焉今府尹樞密直學士太原王公負經濟之才挺誠明之性運沈機而察物韞精識以照微高

表疎乎百尋雅量汪其萬頃按刑梓部黎庶於是不寃  
掌憲栢臺佞倖因之知懼自茲紫宸選賢若雲之從龍  
丹陛告猷如石之投水暨參延閣之賢屢膺出境之命  
皇上嘉其亮節惠彼遠方亟陞宥密之嚴施委藩方之  
寄公飲永祇命叱馭遵途過劍山而物得陽春涉錦水  
而歲逢甘雨暨黃堂布政彤禧問俗始乃明教化示詔  
條逖揚愷悌之風誕變輕浮之俗次則恤民隱革吏姦  
訟清而叢棘常空令正而寒霜自凜終則誠浮情戢兵

帥力田而曠土皆耕以律而私門不犯然又招延秀異  
旌勸良平殄奸宄之徒苗之去莠籍孤惇之戶網之舉  
綱已而董之以威示之以信懷之以德綏之以仁導之  
以詩書訓之以禮讓迄至羣心帖泰庶物休和多稼豐  
登連年富壽兩川安堵固無夜戶之虞千里嚮風盡有  
春臺之樂一旦乃有十邑之吏四郭之彥惜鳳書之將  
至恐熊軾之斯邁乃與澀誠于外計入功于中扆列牘  
以上當宁稱嘆迺降璽書以勞之示聖主得賢而遠方

受賜也宸章昭晰睿旨淵冲煥乎日月之麗天皦如金石之薦廟宜揚允澤誠告神方仰觀惟睿之辭實勸事君之節既而闔府衙校耆耄縉黃等誦曰聖主示十行之札形一字之褒雖聞紀勒郡齋庶傳于不朽豈若標題仙觀用勸於後來而又罔棄顓蒙懇求紀述然念叙賢人之事業雖學之於師察聖后之刑章幸居之於職復乃得實狀寧假飾辭時景祐三年冬十月二十日並州路提刑李定記

賜程戡修城池獎諭詔

敕程戡省益州路轉運司高良夫奏

云

蜀自漢唐以

來國之西屏控臨撫理專用財用器望者處之卿往嘗  
屬任復當眷付下教如昨布政猶新矧乃恤戎畧以安  
邊愔威名而寧遠繕完壁壘經度溝池謀不踰時士皆  
罄力訖能集事人匪告勞刺部提封剡章指狀備虞暇  
豫允賴毗維申念勤庸弗忘嘉寵故茲獎諭想宜知悉

賜張方平父老借留獎諭詔

勅方平省益州轉運使高良夫奏

云

坤維一隅二蜀

為大慎擇良守時謂才難卿迺者輟宸朝祕寵之班委  
宸輔密陪之鎮特更近屏專及遠邦此朕意欲撫御彈  
壓以寬西顧果能厚政化以懷和孚教條而悅穆甄善  
疾非而人愛其舉發姦摘伏而吏畏其神墨據告登里  
封去盜內無繫獄外無繫訟恩育惇獨惠窮康乏而乃  
鄉居獻狀刺部奏陳或以奏計之期預希一借或以解  
歸之次願畢三周惟漢有文翁廉范飭厲之規惟唐有



德裕元衡約束之略詳觀休績何愧前修勉樹令圖以  
光來譽省循嘉嘆彌切眷懷故茲獎諭想宜知悉

賜趙抃父老借留獎諭詔

勅趙抃省成都府路轉運提刑司奏

云

蜀遠在西南

最要部也朕常患吏不能究宣德澤以被于遠民故其  
擇守非慈良簡重者不以命之卿在蜀甫踰年而使  
者以其治迹尤異上于朝廷夫吏所以治民也能盡其  
治民賴之豈不汝嘉乎故茲獎諭想宜知悉秋熟卿比平

安好遣書指不多及

龍圖閣直學士天水公治蜀甫閱歲府之黎老士民舉  
千百數伏使者車前曰蜀之壤陬衆夥俛首輸賦風尚  
纖靡怯不鷙立自公問俗布政濶畧法禁緒正綱目坐  
格醇茂仁義道德衍為教化徭賦均節俗安生業人人  
自愛以重犯法風雨時若粒米狼戾民惕然懼朝廷之  
召遷而父母去我矣願上書借公留語聞上上以手迹  
細札獎勗褒嘉之都人頓首伏讀欣喜蹈舞恭惟天詔

有慈良簡重治迹尤異之稱公恕物以仁約己以禮表俗以信鎮浮以德故上知公之深如此漢膠東相成賴川守霸皆有璽書勉厲異等効著在篇簡今公之拜休寵者當有以揭金石刻永傳無窮而為西南藩維之光華也書不云乎敢對揚天子之休命詩云虎拜稽首天子萬年蓋報上歸美所宜侈大也治平二年九月一日秘書丞閻灝謹序

賜王剛中訓諭詔

朕軫念坤維遠在一方德意雖深利澤未究故臨遣詞臣往分閫寄卿其深體至懷務先養惠民間有疾苦官吏有貪殘悉以上聞夫涖政在寬寬宜有制足用在儉儉宜中禮撫馭將士先之以和肅寧邊陲鎮之以靜則朕無西顧之憂矣佇聞報政嗣有寵嘉

紹興一十八年秋九月蜀以闕帥聞皇帝陛下諭旨遣從臣出鎮臣是時方代匱詞掖庚辰以臣制置四川兼治成都臣聞命震恐固辭不獲越十月庚寅引對便殿

上宣諭四川利病至悉臣退而謹書之甲午正謝蒙恩  
賜臣御寶帶象笏併賜行賞庚子朝辭復蒙宣賜御筆  
訓諭詔書臣伏觀雲漢之章奎筆之書心目悸眩大懼  
無以承盛德稱明詔者竊嘗謂自古人君如漢光武命  
帥以詔敕從事徒見於征討艱難之日而唐太宗賜羣  
臣御敕又皆燕閒無益之辭豈若皇帝陛下軫念坤維  
去朝廷數千里將使利澤周浹於六十一城之廣肆親  
灑宸翰訓敕徼臣察民間之疾苦糾官吏之貪殘涖政

尚寬猛之中足用制禮儉之節與夫撫輯將士肅靜邊陲皆閭寄之大方吏治之至要而臣起自諸生驟膺委寄內揆庸淺實無他長惟當夙夜奉行詔旨庶幾有補一方不負聖神所以拔擢臨遣之意臣戴惟堯言布於天下而舜詔岳牧辭列典謨臣既到官是用敢刻諸堅珉昭示德意垂範無窮臣王剛中拜手稽首謹記

賜晁公武獎諭詔

敕公武朕聞蜀漢沃野有蔬食果實之饒民食稻魚亡

凶年憂而比歲以來穀糴常貴民有飢色故易以為盜  
豈民不務本吏苛刻之所致耶朕聞憫焉卿服在從班  
習知德意乃裁公帑之餘行平糴之政以復天聖守臣  
之舊蹟其用心亦勤矣夫廣畜積以實倉廩備水旱此  
郡國之所先務也卿能知此朕復何憂載覽奏封良深  
嘉嘆故茲獎諭想宜知悉冬寒卿比平安好遣書指不  
多及

賜范成大獎諭

卿遠鎮坤維兼總戎律究心夙夜朕甚嘉之所進內教  
將兵外修堡寨團結土丁三說皆善益勉旃務在必行  
早見成效以副朕倚毗之意

臣不肖日者待罪桂林蒙恩徙鎮蜀道次於荊州詔  
問西南邊事臣愚無識知嘗試妄論大要練兵丁繕  
保障儻事力弗給可若何行及廣漢則昧死上其說  
制下尚書其給劍南西川度牒五百為緡錢三十五  
萬八千有奇以贍工費而賜臣八月二十五日璽



書如前臣謹拜手稽首言曰昔堯舜之于羣臣聞其言善則俞之必有訓敕之辭繼之曰懋哉曰往欽哉二典之書是已今陛下過聽擇于芻蕘又勉之以底績此堯舜之法二典之所以書也臣何足以得此雖貪天子之命以為己榮而一介齷齪狗馬蚤衰罷軟不自勝恐終無尺寸補益大懼墮越于下無以仰副聖天子之至意茲榮也祇所以為懼哉敬奉賜書被之琬琰以旦夕瞻仰于前具敢侈臣之榮識臣之

懼而已

宋贈蘇軾為太師

勅朕承絕學于百聖之後探微言於六籍之中將興起  
于斯文爰緬懷于故老雖儀刑之莫覩尚簡策之可求  
揭為儒者之宗用錫帝師之寵故禮部尚書端明殿學  
士贈資政殿學士謚文忠蘇軾養其氣以剛大尊所聞  
而高明博觀載籍之傳幾海涵而地負遠追正始之作  
殆玉振而金聲知言自況於孟軻論事肯卑于陸贄方

嘉祐全盛嘗膺特起之招至熙寧紛更迺陳長治之策  
歎異人之間出驚讒口之中傷放浪海外而如在朝廷  
斟酌古今而若幹造化不可奪者堯然之節莫之致者  
自然之名經綸不究于生前議論常公於身後人傳元  
祐之學家有眉山之書朕三復遺編久欽高躅王佐之  
才可大用恨不同時君子之道闇而彰是以論世謹九  
原之可作庶千載以聞風惟而英爽之靈服我袞衣之  
命可特贈太師餘如故

明諭御史大夫丁玉勅

洪武

前者大將軍入西羌萬山將松州已行政取修城守禦  
了當甚是威鎮西夷今議得松州地方山多田少所種  
不足所用若令四川人民供給守禦廢有用之民守無  
用之地符到之日可設法抽出軍來四川撫養一會或  
於保寧立一衛或揀何處緊要所在立一衛鎮靜四川

又

舊歲命爾西征以今觀之非人事必然甚有天意乃者

四川妖人盤踞結黨潛伏造孽已有年矣若非命爾率  
丁氏舊日土兵出境其四川之禍又非淺淺若丁氏土  
兵未出境土聞妖作亂乘時蜂起以四川各衛守都司  
官機謀調遣甚有不足安能止亂遏邪今禍亂已平國  
之福也卿跋涉崇山究心日夜甚為艱勤然卿未至四  
川指揮音亮等師軍不律近聞李指揮律如軍法其柳  
音尚未典刑特差人詣四川斬二指揮必不可恕亦當  
律以軍法夫國之用將也以備捍大患而禦奸侮如斯

不律者安能食祿受官刑不輕恕於法無疑如敕施行

諭參政張統右參政韓鑰

洪武

古之尚志之士必立身行道而道行名成而後已所以然者何貴身榮家以顯父母卿效賢人之道方始當日省月覺以觀下愚造歿身之計今命卿西南方面重任君子道興之所然且雲南諸夷雜處之地若欲治安非出羣之才不可卿必忠可格天誠可會人生靈是幸故

茲勅諭

全蜀藝文志卷二十六